



Broj: 04-40-1-268/22  
Sarajevo, 26.09.2022. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 23.09.2022. do 08:30 sati 26.09.2022. godine**

U izvještajnom periodu Kantonalni operativni centar civilne zaštite Kantona Sarajevo zaprimio je četiri informacije o pronalasku NUS-a:

- dana 23.09.2022. godine u 10:12 sati, od strane građanina, da je na adresi Tarčin do br.19 (Općina Hadžići) pronađeno oko 100 komada municije kalibra 7,62 mm,
- dana 23.09.2022. godine u 12:30 sati, od strane građanina, da je na adresi ulica Lepenička br.79 (Općina Ilidža) pronađena jedna ručna bomba.
- dana, 24.09.2022. godine u 11:52 sata od strane Policijske stanice Rajlovac, da je na lokalitetu brda Žuč, Općina Novi Grad, pronađena jedna ručna bomba;
- dana, 24.09.2022. godine u 13:14 sati od strane Policijske stanice Centar, da je na raskrsnici ulica Kevrin potok - Mejtaš, pronađena jedna ručna bomba.

O zaprimljenim informacijama obaviješteni su pripadnici Tima za UES Federalne uprave civilne zaštite, koji će navedena ubojna sredstva preuzeti u narednom periodu.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su dvanaest intervencija i to: pet na gašenju zapaljenog otpada, jedna na gašenju zapaljenih električnih instalacija, jedna na gašenju zapaljenog automobila, dvije na gašenju zapaljenih dimnjaka, jednu na gašenju zapaljenog krova stambenog objekta i dvije na obezbjeđenju sportskih događaja.

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su pet intervencija, četiri manje i jednu veću.

Manje intervencije: dvije na gašenju zapaljenog otpada u kontejneru i dvije na gašenju zapaljenih dimnjaka.

Veća intervencija je dojavljena u 15:15 sati, u ulici Esada Midžića br. 29, gdje je gorio krov stambenog objekta. Vatrogasne ekipe su na lice mjesta stigle u 15:22 sati, a učestvovalo je 13 vatrogasaca sa četiri vozila. Akcija gašenja je trajala do 17:14 sati. U požaru nije bilo povrijeđenih.

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 13°C, vlažnost zraka 96%, barometarski pritisak 936,0 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvođe planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA  
**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a